



Universiteit van Pretoria Jaarboek 2017

BAHons Argeologie (01240183)

Duur van studie 1 jaar

Totale krediete 120

Kontak Dr A Antonites alexander.antonites@up.ac.za +27 (0)124206490

Prof I Pikirayi innocent.pikirayi@up.ac.za +27 (0)124204661

Programinligting

Die honneursgraad behels een jaar voltydse studie en bestaan uit kursuswerk, veld- en laboratorium werk, en eksamens. 'n Navorsingsverslag van tussen 10 000 woorde, gegrond op óf veldnavorsing óf versamelinggebaseerde navorsing, moet teen die einde van die akademiese jaar ingedien word.

Daar word ook van studente verwag om toepaslike departementele seminare asook plaaslike konferensies by te woon om aspekte van hulle navorsingprojek aan te bied. 'n Plakkaataanbieding van die navorsingsprojek word sterk aanbeveel.

Studente moet minstens agt (8) weke veldwerk voor die einde van die honneurs-program voltooi en moet vaardigheid in basiese veldwerktegnieke toon.

Toelatingsvereistes

- 'n Driejarige baccalaureusgraad met 'n kredietwaarde van minstens 360 waarvan minstens 120 in Argeologie of verwante dissipline behaal is. Ten minste 60 van die 120 krediete moet op jaarvlak 3 wees
- 'n Gemiddelde van 65% vir Argeologie op derdejaarsvlak is 'n sterk aanbeveling vir toelating.
- Daar kan van aansoekers met minder as 65%, asook van aansoekers wat hulle baccalaureusgraad by 'n ander tersiêre inrigting verwerf het, verwag word om 'n toelatingseksamen te voltooi tot die bevrediging van die programbestuurder en in konsultasie met die Argeologie-programkoördineerder.
- Studente wat 'n beroep in Forensiese Argeologie wil volg moet ANA 122, ANA 215 en ANA 315 by hul BA-gradprogram insluit en ook Argeologie as 'n hoofvak tot op derdejaarsvlak neem.

Addisionele vereistes

- Daar kan van aansoekers met minder as 65%, asook van aansoekers wat hulle baccalaureusgraad by 'n ander tersiêre inrigting verwerf het, verwag word om 'n toelatingseksamen te voltooi tot die bevrediging van die programbestuurder en in konsultasie met die Argeologie-programkoördineerder.
- Studente wat 'n beroep in Forensiese Argeologie wil volg moet ANA 122, ANA 215 en ANA 315 by hul BA-gradprogram insluit en ook Argeologie as 'n hoofvak tot op derdejaarsvlak neem.



Kurrikulum: Finale jaar

Minimum krediete: 120

Kernmodules

Argeologie 751 (AGL 751)

Modulekrediete	30.00
Voorvereistes	Geen voorvereistes.
Kontaktyd	2 lpw
Onderrigtaal	Module word in Engels aangebied
Akademiese organisasie	Antropologie en Argeologie
Aanbiedingstydperk	Semester 1

Module-inhoud

Gevorderde argeologiese teorie Diepte-, deelnemende seminaarstyl-ontleding van die funksies van argeologiese teorie en die ontwikkeling daarvan in 'n globale konteks en in Afrika. Aktuele teoretiese ontwikkelings soos landskap, gender en bemiddeling word gedek. Studente sal ook kernnavorsingsvaardighede geleer word ten einde kritiese denke en evaluering te verbeter.

Navorsingsverslag: Argeologie 770 (AGL 770)

Modulekrediete	30.00
Voorvereistes	Geen voorvereistes.
Onderrigtaal	Module word in Engels aangebied
Akademiese organisasie	Antropologie en Argeologie
Aanbiedingstydperk	Jaar

Module-inhoud

Studente werk dwarsdeur die jaar aan hulle navorsingsverslag. Hulle ontwikkel 'n navorsingsvraag en -voorstel, versamel die betrokke data, en verwerk die resultate in 'n navorsingsverslag van 10 000 woorde. Studente het gereelde ontmoetings met hul studieleiers wat aan die begin van die jaar aangewys word.

Argeologie 752 (AGL 752)

Modulekrediete	30.00
Voorvereistes	Geen voorvereistes.
Kontaktyd	2 lpw
Onderrigtaal	Module word in Engels aangebied
Akademiese organisasie	Antropologie en Argeologie
Aanbiedingstydperk	Semester 1



Module-inhoud

Gevorderde argeologiese metodiek en interpretasie Diepte-, deelnemende seminaarstyl-ontleding van veld- en laboratoriumtegnieke. Die geskiedenis, omvang en potensiaal van 'n reeks argeologiese tegnieke en metodes word ontleed. Studente word in die beginsels van ontwerp, implementering en analise van navorsing onderrig, met die fokus op spesialisemetodes/-tegnieke wat by die Departement beskikbaar is (bv materiaalwetenskappe navorsing). Klem word geplaas op praktiese onderrig.

Huidige kwessies in argeologie 753 (AGL 753)

Modulekrediete	30.00
Voorvereistes	AGL 751
Kontaktyd	2 lpw
Onderrigtaal	Module word in Engels aangebied
Akademiese organisasie	Antropologie en Argeologie
Aanbiedingstydperk	Semester 2

Module-inhoud

Hierdie module dek 'n verskeidenheid kontemporêre kwessies in argeologie wat wissel van die opkoms van sosiale kompleksiteit en staatstelsels in Suider-Afrika, tot die begrip van materiaal- kultuur in die argeologiese rekord. Die module-inhoud is bedoel om dinamies te wees, en kontemporêre tendense en ontluikende kwessies te weerspieël, terwyl dit in die kernnavorsings-temas en spesialiteite van die Departement geanker is.

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrou met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.